

Zeitschrift: Annalas da la Societad Retorumantscha
Herausgeber: Societad Retorumantscha
Band: 15 (1901)

Artikel: Plaids de cumin
Autor: Vieli, Mistral Gieri Anton
DOI: <https://doi.org/10.5169/seals-183129>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 02.04.2026

ETH-Bibliothek Zürich, E-Periodica, <https://www.e-periodica.ch>



Plaids de cumin

de

Mistral Gieri Anton Vieli, Dr. med.



1. Plaid teniu tier sia elecziun sco mistral ils 27 Sett. 1847.



*Stimatissims ed ault honorai Signurs dil ludeivel oberkeit!
Ad umens libers della bialla Vallada de Lomneza porschel
giu miu cordialissim salit!*

Igl ei in imposont prospet, de veer reuniu sut ciel aviert sin zespet liber in pievel, il qual renconoscha sur ded el mo Diu sco siu suprem Signur, per se consultar sur dellas pli importontas fischentas, per leger ora lur officials e magistrats. Adina venti-reivel in tal pievel, els meuns dil qual schai ton la forza politica sco era administrativa de siu circuit. Gie, quei ei il momen, che ils umins de din confin a l' auter de quella vallada se porschen il meun d' amitgs l' in l' auter, se cusseglian sur de lur fatgs e fuorman ina nova alleanza, engiren ina secunda ligia de Trun sco nos vegls, de star uni e murir per la libertat.

Ed ina schi bialla fiasta, cun tgei savess quella vignir entschavida, sche buc auter che cun il schi bi Pater Nies, ton per graziamet encunter il Suprem per la libertat tochen ussa mantenida, sco era per ina suplica de quella durinavon defender e proteger. Quei era l' isonza de nos glorijs antecessurs, cura ch' els maven in ujara, e quella lein nus era mantener.

E nos vegls babuns, han quels adina gudiu la libertat en pasch? Na. Pertgei la storia gi clar. Tschentaners avon la nischientscha de Christo een libers umens dell' Italia se retraitgs per fugir la sclaveria en nossas vals e petzas, han cultivau quellas cun ragischar ora vauls, deliberau quellas de thiers selvadis, e cau sefurmau in pievel ventireivel, sco la natira della tiarra lubeva. E quels nos patriares, nos babuns, tats e basats, schon en quei temps veven ei lur redunonzas popolaras, nua ei ligievan ora lur magistrats, nua ei deliberaven sin public plaz sut ciel aviert sur pasch ed ujara. E de lur tafradat resden perfin ils scrivents Romaners, volend els metter nos vegls sut lur giuf. Perfin las femnas, per spir spert de libertat, garend plitost la mort che ina veta senza libertat, fergievan lur affons naven de lur sein encounter las lonschas e spadas dils Romaners, per buca schar viver quels sut lur sclaveria.

Era dil temps dils Signurs de quels chistials ners stuevan nos vegls star ora bia tirannias, aber alla fin, unfisa de tal giuf, han ei derschiu quel cun curascha.

E quellas ruinas, dedin temps la sgarschur de nossas petzas, che nus vesein en tut las valladas, nua grondas famiglias cun lur plischers mondans, cun lur trabants armai figievan tremblar il sempel pur e la inozenza feminila: tgei een quels ussa auter che ignivs de sprers ed uccials nocturns? Aber la miraglia stat ferma e perfin ils lufts e temporals respecten quellas, bucca per venerar, sonder per sgarschur, per regordar nus dil temps vegl, vid ils sospirs de nos buns babuns, sco era vid la tafradat de dels de ragischar quels tirans. Cheu vegn mintga viandont a clamar ora — mussont sin quella crappa — cheu han tees antecessurs gudignau la libertat. Ti, o grischun, stos mantener ella culla medema forza, sco tees vegls. »Mo nua che *uorden, dretg e lescha* flurescha, cheu flurescha la vera libertat!« aschia gi in grond sribent schwizer.

Cun tut quei eran nos vegls eunc buca libers dil tut; eunc bia veven ei de star ora de grofs e cavaliers ton interns co externs. Per consequenza e sil bi exempel dils cantuns pigns se rimnan ils vegls de cumins e vischneuncas, umens vegls cun barbas grischas, a Trun sper la caplutta de S^{ta} Onna sut il ischi per se consultar co impedir malgiustia e caprezis loschs etc. E leu, 1424, sut quei ischi, ch' ei eunc oz il gi, engiren ils umens cun lur cavaliers e signurs ina ligia, numnada la *Grischa*, de restar buns amitgs en perinadat, tochen ei existi tiarra e tratsch, de

restar en uniun per defender giustia, pasch, sigirezia della tiarra, de star uni e se gidar l' in l' auter en pasch ed en ujava, de schar lur dretgs a lur signurs, che els vevan de vegl enneu. En quella maniera een els stai sigirs de smanatschas ne executiuns de grofs e cavaliers prepotens.

Entras quei ha zwar il pievel eunc bucca ugiu la vera libertat, sonder quella aquistau sil suenter sin via honesta e legala.

Vesend cun tut quei il Grischun eunc sminatschau dil jester, sche han els enflau per bien de se ligiar entras in ligiom d' ina ligia universal. Sinaquei een umens libers de tuttas treis ligias se rinnai a Vazerol sper Lonsch 1471. Leu engiren ei, sill' emprema Dieta grischuna cun spadas tratgas, denovamein amicitia, pasch e dretg; de decretar ni pasch ni ujava senza il consentiment de tuttas treis ligias. E quei che duas vulen, duess era la tiarza se sutametter. Cheu gin ei, che la ligia duessi cuzar peradina, schegie ch' ella possa vignida amegliorada tenor las circostanzas. Sin quei een ils Grischuns se formai ina famiglia entras in ligiom din engerement e serement.

E carteis vus, umens libers della Lumnezia, che ils nos vegls han sinquei il fretg della pasch, de schi ina bialla prerogativa della libertat? Na, il jester, squidus de nossa libertat, squidus de nossa pasch e perinadat, voleva nus suttemetter e squitschar sco vidavon, e perquei vegn il kaiser cun la Tiarra tedesca en uniun per suttemetter il Grischun cun ina armada numerusa. Aber las battaglias de Mals el Tirol, sil Steg, St^t Pieder e Taufers 1499, nua era ils de Lumnezia han se distingui, han sbassau la sminatscha sco la luschezia de quels inimitgs. Il herox Benedetg Fontana scheva: Vinavon, cars confederai, se tumei bucca per mia perdita, jeu sundel mo in um; deliberei l' honor, la libertat e la patria.

En otg battaglias eren ils inimitgs batti, mellis e mellis vischneuncas e marcaus eran en ruinas, e plirs convischins eran sut tiarra, aber ils Grischuns ensemen cun ils Svizzers veven liberau l' onur, la libertat e la patria.

Per nus Longnézianers eis eunc ina outra causa d' importanza, Porclas. Dil 1352 eren nus sut ils Signurs de Belmont, e cheu vegn quella vallada sminatschada de guerriers de Montfort, inimitgs de nos Signurs. Leu a Porclas, en assenza dils umens, han las duneuns battiu il inimitg. Ils umens fan quei sil Petz de Mundeun. E quella bialla actiun de nossas duneuns ei

vignida engraziada entras ceder ad ellas la vart dretga en la baselgia capitala de Lumnezia.

Stuein nus, cars convischins. bucca cun ils eglis plein larmas sevolver encunter il ciel ed engraziar nos vegls babs per lur curascha, per defender la libertat, la quala els han a nus schau entras il seung spons per jerta? E cheu, sper il senterri grond de Lumnezia, duess bucca mintgia vischin levar la capialla cun veneraziun per engraziar ils defensurs della patria, per rugar els che lur sperts vegnien sur de nus en cas de prighels? Ge, gigel jeu, nigliu ei il liug meglier che val cheu sut quels imposonts fraisens; pertgei sigir biars guerriers de Mundeun, Porclas e Mals e dil engerament della ligia de Trun schain cheu en lur perpetuen ruaus.

Nus lein prender l' exempel della storia romana, la pli gronda e pussonta republica dil mun. Schi gleiti che gl' ei leu formau differentas partidas, differentes loschs sperts per reger, sche ei l' anarchia rotta en, e Roma ord republica ei vegnida silsuenter guvernada de tirans e despotics imperaturs, per sil suenter vegnir entras inondaziun de jastras armadas disfatgia dil tut, q. v. g. strichada ord la gliesta dellas naziuns dil univers.

Era nus d' otz il gi vivin en in temps critic, battius de differentas partidas; aber alla Svizzerza stat ei de mussar all' Europa entira, co ella seigi en stand de far pasch, d' ulivar ora ils scar-petschs. La Svizzerza vegn sigir a mantener sia posiziun, la quala ei ad ella accordada entras la *providenza*, la *natira*, la *storia* ed autras circumstanzias, che ella se lai ne de dina passiuon ne de l' outra se tschonchentar. Ella vegn era quei che fa de basegns per ella s' aplicar senza influenzas jastras. Quei vesein nus era entras fugitivs jasters, ils quals ighiticaï de lur patria surdovren la protectiun de nossas leschas d' asili, ed enstagl viver en pasch, encueren de influenzir sur nies spiert quiet cun ideas revoluzionarias, nua mo els, aber bucca nus savein gudignar. Gie, cura che jasters se mischeiden en fatgs de nossa patria, sch' eis ei adina gronda sventira. Il exempel avein nus avon ils eglis dils 99, cura che kaisers e russers sco nos amitgs eran menders dils inimitgs, essend ei squitschaven il seun or sut las junglas per satiar lur appetit ton carnal co corporal. Perquei duess la Svizzerza observar tals fugitivs pli bein, avon che tractar els sco vischins e conburgeis. Il exempel ei clar avon els cantuns gronds. En nies cantun een ei rars, pertgei nus vein bucca de porscher utschals terglischons per lur baglafadas revoluzionarias.

Ventireivel il Grischun! Ei vegnen a s' entilgir, pertgiei che denter vers republicaners dovra ei bucca tontas correspondenzas diplomaticas; sonder mo ina larma giu per vesta e ina struclada de meun een avunda per nus de far pasch. Quei ei la vera maniera de republicaners de tschintschar.

En ils cantuns gronds eis ei nuotta schi sgarschur, sco las gazettas passionadas resdan: Il pievel en massa vul la pasch. Tonaton, sche encunter nossa speranza nossa libertat fuss en prighel, lein nus star en rietscha in per tuts e tuts per in. Nus essen obligai render quella jerta de libertat de nos vegls a nos affons e beadis. Tgei che nus avein de basegns ei ina *ferma volontat, curascha e detschartadat*.

Ils cussegls gronds vegnen a se redunar, aber nigin pli vegn per ina execuziun encunter cantuns pigns. Vus vegnis a risponder a mi; pertgei pia concluder ina causa, che ins sa oravon de bucca puder exeguir? Vus veis rischun, aber mirein sin nus setz. Contas causas concludin nus en massa, ed exeguin derar ina.

Per defender sees vegls drets, la sovranitat dil pievel, vegn ei bucca getg, che nus leien adina star sil pei vegl. E schegie las gazettas ed autras valladas resden de nus, che nus seien per biars onns anavos ella civilisaziun en general, sche affel leu era lur muncadas sco tier nus, ch' era ellas han bucca enflau il crap della sabienscha. A quels che tratten nus schi saniastramein, rispondel jeu, sche nus seien era stai anavos a Trun, a Mals etc., e depli vegni a se mussar, che la bratscha dils Lumnezers cun lur turschets e lonschas staten a negin anavos.

Ei glei veer, a nus meunca eunc bia, aber sch' ins considere-scha nossas paucas forzas pecuniarias, sche vein nus tonaton bucca durmi adina. Aschia p. ex. han bia vischneuncas fatg fondatiuns de scolas, autras han bagiau casas de scola ed autras ein sin via de far quei. Nus vesein en, che ina buna scola, ina buna educaziun ei a nus de basegns. Entras ina buna scola vegn il spert educaus, sclarius si, per enconoscher bia bien, che vegn proponiu al pievel, enstai gl che en in labirint de stgiradegna vegn era nies meglier refusau. Pertgei quei che era en bia causas avon 100 ons adatau per nus, vala bucca pli per nus. Dein nus in' egliada mo sin la moda ed il viver. Avon 100 ons vegneven nos vegls sin quei plaz cun caultschas cuortas e tarscholas, e quels che portan quella mondura, savein nus otz dumbrar. Era per

meghras veias eis ei procurau, e quellas fan a nus de basegns. Nus vesein en bia logens che han semnau uauls, e nus vesein crescher si quels; aber senza cultivar quels, vegn ei vess a schabigiar. Era il funs vegn meglier cultivaus. Era pil pauperil esser eis ei necessari, che nus luvreien pli de ditschiert per impedir la marschadegna. Era ils paupers han in dretg vid nossas almosnas.

Nus mein pleun siu, aber era cul bien spert d' oz il gi vinavon. Nossa divisa cloma era vinavon, aber avon tut lein nus ponderar madiramein quei ch' ei per nus e pèr lu acceptar. Observein nus tut quei sura exponiu, sche vegn ella bialla Lumnezia era meglra economia e prosperitat a florir.

E nossa libertat, en tgei consista ella? De dina vart vein nus il dretg de leger ora nos magistrats per administraziun de bassa polizia, giustia ed economia comunala. De l'otra vart puden nus sco en davosa istanza accettar u refierer leschas civilas, trattats u ligias cun autras pussonzas a nus de cussegls gronds proponidas.

Per nus far meriteivel de guder vinavont quei inestimabel scazi de libertat, eis ei necessari de mantener il ruaus public, de puntualmein observar nos tschentaments e tratats, de adina administrar ina exacta giustia e de complenir mintgin fideivlamein sias obligaziuns. Ils vischins ston respectar il oberkeit, quel tener giustia e respectar la regenza ed eseguir ils conclusums dils cussegls gronds, schibein che glei in lur competenza. Tras quest ventireivel e confederau ligiom vegn la republica svizzera e nus cun ella vinavon conservada e, sche Dieus vul, si dretg mantenida tochen els pli stgirs temps della posteritat.

Vus veis mei ligiu ora sco mistral de quei ludeivel cumin, ed jeu enconoschel mia schwachadat e nunexperienza, aber cun agit de din ferm e resolut magistrat vegnel jeu ad ulivar ora ton sco pusseivel mees schwachas forzas. De ditg vewel jeu in gron e vif desideri de mi sacrificar e dedicar per il survetsch de quest lud. cumin, e mo entras experimentai signurs dil lud. oberkeit, ils quals vulen a mi bucca tschuncar giu lur buntadeivel agit e ferma assistenza e buns cussegls. En quella maniera vai jeu speranza de poder sodisfar al miu grad uss engierau serament ed alla vossa bein giesta expectatiun.

Sin tal aschi legreivel prospect mi resta ei nuot auter, che l'obligatiun de metter giu mes umilissems engraziaments aigl entir e ludeivel cumin per la sia aulta favur ed benevolienscha oz a mi encunter mes merits demussada, ed empermettel encontercomi

solemnamein de far tut il miu pusseivel per sodisfar al miu dover ed offereschel a mintgin e scadin ils mees sincers survetschs.

Ils mes muncaments, che per ignoronza pudessen schabigliar, rogel jeu de bucca metter ora en mal, sonder de surver quels cun la vossa solita buntat e compatiment, e finalmein mi recomondel jeu fervidamein en l' ulteriura continuatiun dell' aulta e preziosa protectiun dil entir e ludeivel cumin, al qual jeu hai l' onur de far la mia humilissima reverenzia.



2. Plaid tenuu ils 21 Sept. 1848 tier la rendida de misterleia.

Stimatissims e bein honorai Signurs commembers de quest ludeivel oberkeit de Lumneza!

Cheu sundel jeu arivaus sil mument, de render quen de mia administraziun magistratuala, de render quen d' in on de disturbis, revoluziuns ed uiarras, d' in on che vegn ella storia prender si in gron plaz. Oravon tut prendel jeu la libertat d' ira tras historica-mein il passau de quest on. Ils davos meins dil on vargau senflava nossa cara patria sil precipezi de sia ruina, per vignir peradina quella schi bialla libertat, scazi de nos buns vegls, sotterada. Aber entras il tut pussent ein quellas disuniuns politics svani; entras la stateivladat dil pievel e bunas regenzas, entras ina armada vera confederada ristabiliu la pasch, ulivau ora ils scarpetschs politics, senza che potentats jasters se mischeidien en nossas fitchentas. E tgei mira podevan quels jasters aver per intervegnir en nossas fitchentas internas, auter che quella de gudogn, de vendetga, e de disuniun.

Era en nies Grischun, e principalmein en nossa Lumneza, voleven inqualtgin scongiurar neunavon ils teribels ons dils 99. Jeu vi bucca scrutinar pli lunsch, sche quels tals figieven quei per spert de schtgiradegna u per tema che la religiun fuss en prigel. Nus stuein considerar quels tals sco ribels, schinavon che nies cusegl grond, nua era ils nos deputaus seseven, haveven votau per l'execuziun della conclusiun de dieta. Patertgaven quels tals

era vid la disgrazia, ch' els vessen tratg al pievel? Na, segiramein bucca. Aber ludaus seigi il ciel, che entras la stateivladat din ferm ed experimentau oberkeit, entras il seun verstand dil pievel quels paucs fanaticheers seigien vigni tier la rischun. A quels lessel jeu mo repeter in plaid d'admoniziun e quel ei: De bucca far spasch ni culla rauba, ni culla veta de siu vischin.

Duront che il soleil pli terlischont che mai se alzava sur de la Svizzeria entira, vesein nus il pievel della Italia, della Fronscha, e Tiarra tedesca rumper ils ligioms della tirania, e se constituir pli libers. Nus vesein, che quels ministers, retgs e kaisers vegnen era a stuer render quen de lur administratiun abominabla. Nus vesein, ch' ils pievels pli libers seen per truar sur dils lur avon pauc temps schi teribels manaders. Duront che tut il mun entuorn ei en sulevaziun, viva en continuas revoluziuns, lev' ei pella Schvizzeria in ligiom pli ferm, pli concentraus, che quel dilg on 1815. Aschia han la dieta e cusegls gronds luvrau cun tutta sabienscha ina nova constitutiun, la quala centralizescha depli nossas forzas confederalas, senza pregiudicar ella minima causa la suvranitat cantonala. Entras quei niev ligiom essen nus bucca pli jasters en auters cantuns. Il Grischun vegn a fraternisar culs habitons dil lac de Lemman, sco culs habitons dil Jura e las Alps bernesas, quei vul gir: negina diferenza exista denter ils Svizzers.

Eiglei ver, mintga cantun porta ses sacrificis pecuniaris sil altar della patria. aber el pli grond prigel, che nus circunda de tuts meuns, vul ei era purtar inqual unfrenda. Nossas leschas cantonalas, ils dretgs de renovar quellas schai ella competenza de nies pievel; era la religiun de nos babuns ei garentida, e per quei possel jeu bucca capir, co inqual fauls profets vesi in grond prigel de nossa religiun ella constitutiun nova. Quels tals ston aver fetg pauca religiun e quella bucca profunda avunda en lur cors, ch' ei se crein che ella fugi schi tgiunsch daven de els. Jeu lessel dumendar vus: tgi era pli fetg encunter questa costituziun nova? Las partidas extremas, il ultraradicals ed ils ultraaristocrats. Ils ultraradicals vuleven ina regenza centrala, per aschia impedir la vusch dil pievel; ils aristocrats veseven en quella prigels non-existent.

Era nies cantun ha en ver sen de progress aczeptau cun ina gronda majoritat quel nief ligiom, ed il pievel de Lumneza ei entras siu gron pli era bucca stada anavos ad autras valladas.

Nus lein engraziar il Tutpussent, che quella seigi din gron pli acceptada schinavon, sco en cass contrari la Svizzer vegneva segiramein denovamein il teater de sanguinusas revolutiuns ed anarhia.

Duront il cuors de quest onn ei nies cudisch de leschas ingrondius de bia e biallas instituziuns. Aschi vein nus ina lescha de ugadias, ton per schurmiar ils clients dellas griffas dils ugaus, sco era impedir las persecutiuns malignas encunter ils ugaus sezi; ina lescha de derschaders de pasch, in tribunal districtual sco secunda istanza era per causas injuriasas ed aschia vinavont. Era en nossa vallada vein nus procurau en in grond circuit della vart seniastra dil Glogn de semnar uauls, ton per nies nizeivel, co per schurmiar nossa sponda de malauras e lufts.

Suenter haver cuortamein exponiu ils evenements ton interns sco sterner, vegnel jeu a render quen de mia administraziun.

Sill' entschatta de mia funziun hai jeu retschert ils quens de cumin en confusiun, e pir suenter ius atras pli bein quels, hai jeu enflau in pli grond deficit che sco el steva sil cudisch, il qual jeu vegnel ad explicar al examen de quels stimai Signurs gieraus. Jeu hai dau tutta breigia de menar ils protocols ton civils sco criminals tenor il protocoll quid simile de Journal quotidian, per tut las fitchentas vertentas avon il uffici.

Era se cregiel jeu fermamein, che ei schai mo el interess dil cumin de proceder vinavon culla paga fixa per mintgia member ufficial e sai veramein bucca capir, sco inqualin vul entras quella procedura ver plitost il disavantatg dil pievel.

Ufficials publics ein adina la schiba de persecutiuns, ed de quellas ha forsa negin pli che jeu sofriu. Nuotatonmeins hai jeu bucca schau se stermentar de tshontschas, ni de malignas denigratiuns giu de miu engerau serament. Nuotatonmeins ha jeu bucca pers la curascha de aver avon ils egls ton il beinstar privat sco il general. E vesel jeu en inqual causa munchentau, sche compati quei, ed attribui plitost a mees fleivlas forzas, a mia ignoranza. Nus pudein, en cass che jeu vessel negligiu mia administraziun, ton pli se legrar culla electiun de nies car cau de eumin, il qual en ses giuvens ons, pli bein versaus en fitchentas dil cumin, vegn segiramein pil beinesser general cuntschar ora tuts ils muncaements. Ei mi resta aschia de metter giu mees umilissims engraziaments al entir e lud. oberkeit, per sia favur, agit e benevolienza encunter de mei duront miu uffeci demussada; cun mi recomandar milsanavon en sia protectiun ed amicitia.

3. Plaid teniu tier sia elecziun sco mistral 1849.

*Stimatissims e bein honorei Signurs dil ludeivel oberkeit!
Ad umens libers della bialla vallada de Lumnezia miu
cordial salid!*

Ei para singular, de veer il gi d' otz eunc in pievel serimnar ruasseivlamein sut ciel aviert, per tenor izonza de nos babuns leger ora nies magistrat, seconsultar sur dil beinstar della patria, prerogativa della libertat, duront che tut il mund entuorn entuorn nossa patria era entochen sils davos moments en continuas revoluziuns ed anarchia. En nossa patria senflava il pli grond prighel de dissoluziun il onn 1847. e quei sigiramein pli per influenzas externas, pli per squidonzas malignas, che per benevolienscha de nos fauls amitgs. Alla Svizzerà tuccav' ei de batter in' ujara de exaltadas passius, de batter sanguinusamein in frar encunter in frar, in republicaner encunter siu convischin, de maniera che nossa patria se formava duas partidas vehementas, las qualas havevan era el exteriur lur simpatias. Melli cors batteven nus encunter, melli auguris eren per ina ventireivla fin en favur dil spert republicaner, duront auters auguraven nossa perdiziun. Sur de nus vigilava il Deus omnipotent, il qual ha defendiu nos vegls babuns, nos patriarchs a Morgarten, Sempach e Mals. E pren mira, en pauc temps senflava la Svizzerà pli ruasseivla che mai ed ils scarpetschs politics ein svani.

Avon pauc temps reuneven las natiuns della gronda part dil continent tut lur forzas per sedeliberar de lur giuf monarchic, e se constituir pli e pli libers. Aschia vesein ils Franzos engirar republica e lur monarc descender sforzadamein de siu thron per ira sur mar, el liug dil refugi dils malfitschens. Aschia vesein nus ils pli pussonts ministers abandunar lur omnipotents cabinets per encurir asyl el jester, e quels tals giugaven bucca sigiramein eunc avon paucs ora la sort, il destin de nossa cara patria. Aschia vesein nus l' Italia entira e la Germania sesulevar encunter lur suvrans, per se deliberar ord il giuf monarchic, che squitschava sur de quels pievels, e romper ils ligioms della tirania. Mo a quels pievels muncava ei uniun e tafadrat; tgi gareva constituiun, tgi republica, tgi in lungatg e tgi in auter. Ei patertgiaven bucca, che per esser e daventar veers republicaners vul ei curascha

morala, continua perseveronza, conditiuns necessarias ton per mantener sco aquistar la libertat. Ei senflaven en in labyrint e confusiun, entochen lur inimitg ha convinciu els totalmein.

E quels pievels, che vivon plidaven sur de nus cun disprenz, encureven a tut prezi nossa amicitia, per formar cun nus ina alleanza defensiva ed offensiva. Mo la Schwizzera en gronda majoritat ha refusau cun disdegn ina tala offerta. Ella ha capiu, ch' entras ina tala ella saveva tut perder: libertat, zispet e tratsch, rauba e honor. Ella ha capiu de setener ferm vid quella de provedientscha, storia e circostanzas accordada posiziun. Ella ha capiu, che ses confins seian las Alps entuorn entuorn cun lur indomabels torents, enteifer ils quals nigin jester deigi cumendar u se mischedar en futschentas, sco era ella vegni haver niginas meraviglias digl exteriur, mo bein se tener vid ina ferma neutralitat. Ed entras tgi auter fuss la Svizzera periclitada che entras quels fugitivs politics, che surdovren il lur dretg d' asil cun batter continuamein novs complots encunter il jester, sco era metter nus en disuniun? Perquei duein nus render dubel engraziament al cussegl federal per lur detscharda e decisiva conclusiun en riguard de quels manaders prigulus.

En simigliantas periculusas circostanzas, circundai entuorn entuorn d' anarchia, era il ligiom confederau d' anno 1815 per la patria memia fleivels. Ei figieva de basegns in pli ferm, pli concentraus, il qual nus dat la nova constitutiun. Entras quella essen nus bucca pli jasters en auters cantuns. Ils habitons dellas Alps reticas e bernesas, sco quels dil Jura e dil lac de Lemman se fuormen in pievel; nigins confins spartgieschen quels; liber ei il domicili, senza pregiudicar ella minima caussa la cantonala sovranitat, la quala nus exequin continuamein entras nos dretgs de electiun de nos magistrats sco forza guvernativa e legislativa. Eglei ver, nus purtein in grond sacrificezi sil altar della patria, aber *en circostanzas extraordinarias remedis extraordinaris!* Ton pli emperneivla ei quella nova constitutiun, schinavon ch' ella ei nischida denter nossas pezzas e vals, senza influenza jastra, entras nus sez.

Depli che las natiuns ein denovamein se suttamessas al giuf monarchic, garegien nos inimitgs, che era la Schwizzera vegni devidida dals regenters gronds dil continent suenter lur plascher. Infamas invenziuns, per turbular tonpli nies ruaus, nossa pasch, e felicitat! Ils monarcs han in outra missiun cun meglieras ameglio-

raziuns guvernativas, sche vulten reger ruasseivels e gest, e per il beinstar de lur subdits. E nus Schvizers lein viver per nus, sco giest pievel cultivar en pasch il beinesser de nossa tiarra, survir allas autras natiuns sco glisch de uorden e moralitat, mo adina esser preparaus de sacrificar il davos deguot seun e sco nos babuns star en in per tuts e tuts per in, plitost murir la mort de republicaner che viver en sclaveria. E quei essen nus obligai en pagamen al engiament sut igl ischi de Trun, sco al seun spons de nos tafers guerriers a Mals, Porclas, Steig encunter ils tirans de quei temps.

Per mantener milsanavon quei grond scazi de libertat, jerta de nos vegls antecessurs, vul ei dina vart obedienscha ad oberkeits e regenzas e de lautra observar leschas e tschentaments ed exeguir giustia. Entras quei reciproc confederau ligiom vegn nossa patria restar ina republica tochen la pli stgira posteritat; pertgiei mo nua *uorden, dretg e lescha* florescha, cheu florescha la vera libertat.

Oz ei ina vera fiasta per tuts umens libers de Lumnezia cheu rimnai, per far diever della schi nobla prerogativa republicana, per leger ora denovamein lur magistratura biennale. En quei moment, el qual vus umens de Lumnezia mi honoreis per la secunda gada culla carica de misterleia, exultescha il miu cor d'engraziament encunter vus tuts per in schi honorific e losch act; nua jeu de mia vart empermetel d'ademplier ton sco pusseivel il miu avon pauc pristau serement. Eglei a mi in nief musament de vossa perseveronta confidanza, schinavon che vus umens de Lumnezia numneis mei per la secunda gada sco mistral de quest cumin; ed el medem temps mi dat quella nova electiun la testimoniianza de vossa contentienschas duront miu offezi anteriur. Finalmein mi recomondel jeu en ulteriura protectiun de quest ludeivel cumin, al qual jeu prend la libertat de porscher mes ils pli sincers respects.



4. Plaid tenu il 11 Matg 1851 tiella rendida della misterlia biennala.

Bein stimai e bein honorai signurs dil ludeivel oberkeit! Ad umens libers dil district Lumneza e Val miu cordial salit.

Seies bein vigni, umens libers de questa nossa cara vallada, sin quei liug historic, de temps il pli vegls enneu renomaus per lur redunonzas popolaras, seies beinvigni, liber e ventireivel pievel! Ventireivel possel jeu bein clomar nus cheu rimnai, pertgiei nus vein eunc il plaid liber, duront entuorn entuorn nus bucca mo quel ei periclitaus, sonder perfin ils pertratgs de libertat vegnen scharfamein zensurai e smacai en lur naschienscha. Quella nossa veglia prerogativa de leger ora nos suprastonts, nos magistrats vegneva zwar exeguida tier nus pli tard el on; mo entras ina lescha dil souvran pievel, gl' on vargau sanzionada, ein ils cumins en lur giurisdiziun vigni ingrondi, ed aschia vein era nus il plascher de ver cheu uss cun nus reuni ils patriots de Val. La bialla mira e fin da quella midada ei segiramein il proceder en fitschentas juridicas pli speditifs e meins custeivels, pertgiei che il tribunal circuital, ne sco ins numna il oberkeit consista durinavont mo ord 7 comembers. Era pli sigirezia en general vegn ei dau entras in tal schentamen pella giustia nunpertischonta, sco era per ina electiun pli intelectuala, che sco quei pudeva forsa esser il cass en cumins pli pigns. E perquei che quella midada cun aschi bials aspects seigi pli eclatanta, vegn quella pil entir cantun celebrada sil gi d' otz sco vera fiasta nazionala. Il avignir, la vera experienza, ch' ei nossa guida, vegn a decider, schebein nus se sanflein meglier entras in semigliont decret ner bucc; pertgei che bucca tut niev, che nus adorein cun entusiasmus sin l'entschata, survescha per nossas pizas e vals, per nies sempel viver, per nossa accarezada souvranitat, la quala stat eunc adina sidretg a dispett de tuttas malauras politicas, che smanatschen quella. Gie aschi ferma eis ella, sco quellas cheu avon nus imposontas plontas cun lur extendidas ragischs, che fan front a tempiastas e temporalas malauras.

E quella nossa libertat sa vegnir milsanavon mantenida mo entras perinadat, entras che mintgin respecti las ideas de siu convischin, entras che mintga conburgeis sapi conservar sia propria dignitat, entras la stima de ses conburgeis e respectar tschenta-

mens e quels dad el sez eligi magistrats, e sapi sepertgirar de proclamar disuordens e scandels. Mo sin tala maniera sa in pievel liber far in vengons diever de sia suvranitat, ed aschia ad auters survir sco exempel de glisch, uorden e concordia

E carteis vus, umens de Lumneza, che essend la spada ruasseivla ella fodera, era l' Europa seigi quieta? Vulesi Dieus. In pign eveniment, in pign sufel sa denovamein dar fiug al horizon politic, sa denovamein riscaldar ils tgiaus revoluzionaris en quella tiara, che nus numnein ussa la gronda republica. E la trompeta e posauna d' ujava, sche bucca vivon eunc la republica cotschna cun la ghilottina, vegnen a metter en fiug e flamma tuts ils pievels, sco avon pauc temps vegnen ad inondar tutas las confinontas naziuns cun las ideas revoluzionarias, sco in torent, che abanduna siu letg per devastar tut entuorn el. Vegni lura peer quei inimitg, ed el anfla nus preparai de defender entochen sil davos mument, de sponder il davos dagnot de seun per nossa patria, e plitost lein nus murir che surviver la disfaitgia de quella, gie nus lein semussar vengons de nos vegls babuns en pasch, sco en ujava.

Mo stei segirs, il suprem derschader, nies ver amitg, che da tschentaners enneu ha defendiu nossa patria, nossa libertat, vegn de cheu denvi a proteger quella. Sefidein pia sin il tut pussent, ed el vegn nus a schurmiar e defender entochen la pli davosa posteritat, vul dir entochen ei plai ad el de disfar quella tiara de pelegrinasch.

Alla fin sundel jeu arivaus tier quei moment de render in exact quen de mia administratiun magistratuala. Duront il temps de mia funziun hai jeu adina giu il beinstar dil pievel avon ils eglis, seigi ei cun schurmiar quel avon malgiustias, seigi era cun far capeivel a quel novs tschentaments per nus adatei e nizeivels. Jeu hai procurau ton sco pusseivel de menar en economia en tuttas proceduras civilas, sco era en quellas d' inquisitiuns. E schinavont sco officials publics ein adina pli u meins vegni persequitai, sche eis era miu duer, de mi defender en public avon miu suvran, pertgei las denigratiuns e calumnias encunter de mei eran era publicas.

Schon l' emprema gada, che vus veis mei honorau culla carica de cau de quest cumin, hai declarau de spargniar, essend il deivet de cumin ualti numerus, ed en quella chischun era empermess de bucca imponder memia spesas tier inquisitiuns, sinaquei che


inulpai de pintgia valleta vegnen mo tenor marets castiai e bucca ulteriurmein. Con lunsch ils spargns han pudiu succeder, veis observau dil avon pauc ligiu quen de cumin. A risguard las inquisiziuns u meglier detg examens era il cass avon cuort temps succedius, che ina massa de pigns fallaments, d' ils quals ils plirs surpassaments de polizia, eran dai en al uffeci. Vesend, che cun far grondas spesas entras clomar ensemen ina commissiun de 5 ed eunc pli commembers, sco ei daventava vivon fetg savens, ed entras quellas succedidas spesas, ins vess stoviu prender 3—4 gadas pli che quei ch' il inulpau meritava e zwar mo per curclar las spesas, ha jeu enflau per bien de persuls cul fiscus sco plonschider intercurir tuts quels fallements. Ina suletta gada ha jeu tratg tier in moment il gierau dil liug. Aschia ha jeu impediud grondas spesas, las qualas ils inulpai per aschia gir vessen a la fin encunter tut merit de castig tonaton stoviu pagar.

Tgei amport' ei al pievel ch' ei sesien biars ner paucs, bein aber ch' in prenda bucca pli giu, che quei che mintgin marita. Sur de tals cass savessel jeu vegnir neunavon cun exempels dil passau en abundanza. Exempels de personalitats een odius, ed aschia queschel jeu. E nuotatonmeins ha quella maniera d' inquirir fiers si gronda puorla els egls a tals e quals, che volevan forsa sez seser. Jeu hai fatg front a semigliantas denigratiuns, e seteniu vid miu prestau engriment e mia empermischun. Aschia vai jeu seteniu en autras circumstanzas. Aschi lunsch tenor verdat.

En num dil entir e ludeivel oberkeit sto jeu metter giu a vus ils pli fervents engraziaments per vossa encunter de quel demussada benevolienscha. Mia pli sontgia obligaziun ei pia' ils mes pli fervents engraziaments a quest entir e lud^{vel} cumin pella aulta favur e benevolienscha, adina encunter mei demussada, e sche jeu vessel en enqual caussa duront miu uffeci magistratual muncontau, perdunei ed atribui plitost a mias fleivlas forzas, a mia nunsavida, mo mai a malignitad ne a persecuziuns. Jeu mi racomondel milsanavon en vossa aulta protectiun. Era a vus Sgrs. gieraus rendel jeu miu cordial engraziament per tutta asistenza, buntadeivel agit e buns cusseigls, che vus veis a mi en tuttas ocurenzas prestau.

Ussa ei il moment neutier, nua il oberkeit entir prenda pietigott per adina de siu carezau pievel, de siu ault souvran, prenda pietigott per adina sco representant de lur respectivas vischneuncas; pertgei quellas vegnen tier las electiuns suondontas

bucca pli risguardadas. Eunc ina gada pietigott! Durinavon auda il oberkeit, che ha ugiu sia naschienscha culla ligia de Trun, ad esser mo ina memoria pellas analas de nossa patria. Vegli Dieus, ch' il niev uorden de dicasteri hagi schi liunga vita, sco quel val passaus giu. Finalmein mi racomondel jeu milsanavon ell' aulta protectiun de quest entir e ludeivel cumin, el meun dil qual jeu remettel mia misterlessa, al qual jeu hai l' honur de porscher ils mes pli profonds rispets.



5. Plaid teniu tier sia elecziun sco mistral 1851.

Ault reveri Signurs dil ludeivel oberkeit! Bein stimai e ault honorai convischins de Lumneza e Val!

Dil temps, ch' ei rigievan schwachs retgs e kaisers sur la Germania, al qual imperi la Rhätia, nossa patria, era incorporada, vegneven nos antecessurs, nos babuns de grofs e cavaliers maltractai; ei existeva nigina giustia, che schurmiass il sempel um dellas tiranias de quels prepotents. El enflava nigin derschader, nigin agit per sias lamentischuns. Quei era la perioda della forza dil pugn; pertgei che tgi che veva quel il pli ferm, declarava tut quei per giest, il qual el aquistava, ed exequeva cul pugn v. g. culla forza.

Vesend aber nos antecessurs, sco ils cantuns pigns Schwiz, Uri ed Unterwalden eren cun lur uniun, cun lur tafradat sedeliberai dil giuf de lur tirans ed aschia aquistau la totala libertat, din els: Era nus vein curascha, vein in ferm bratsch, e sche nus se reunin encunter la prepotenza de nos signurs, sche san quels e lur trabants bucca pli ligiar nus en sclavaria. Sin tal maniera han ils umens della Part sura cun beinmanigionts Signurs furmau l' emprema ligia a Glion 1395, nua ei empermetteven de defender gl' in l' auter la vita, la rauba ed honur. Quella ligia ei stada il curier din pli ferm ligiom sco schierm della libertat e giustia encunter tiranias e prepotenzas; pertgei 1424 sut quei renomau ischi a Trun, il qual para el sez de present de sentir sia mort,

comparan all' alba del gi sil miez mars ils delegai de vischneuncas, ils baruns e niebels cun lur cavaliers e cun els ils pli curaschus denter il pievel. Cun tgiau niu uran ei tier Dieus, ed alzavan lur meuns tiel gierament de star adina buns amitgs e confederai, de asister cun tut lur forzas l' in l' auter encunter malgiustias, e de star uni en pasch ed en ujara, e fuormen aschia la Ligia Grischa. E sin quella medema maniera fuormen pli tard auters Grischuns la Ligia della casa de Diu e quella dellas diesch Dertgiras.

Quels diferents ligioms denter cumins e cumins, pievels e pievels han traitg tier grondas persecuziuns de part de grofs e prepotents e dau rischun tier bein bia combats sanguinus. Ed en simigliantas ocasiuns, vesend con nizeivel ei seigi pil Grischun entir de furmar in tgierp, in staat, in ligiom persul, per aschia defender unitamein la patria, se rimnen de tuttas pezzas e vals a Vazerol 1471 ils signurs ed umens, seculars e spirituals, ed engiren amicizia, pasch e dretg vicendeivel, de decretar ni pasch, ni ujara senza il consentiment de tuttas treis ligias. E quei che duas vulen en autras ocorenzas, duess era la tiarza se sutametter. Leu gin ei, che la ligia duessi cuzar per adina, schegie ch' ella possi vignida amegliorada tenor las circostanzas. En tal maniera ein ils Grischuns se formai ina famiglia, in tgierp entras il ligiom d' in engiarament.

E quei ligiom de Vazerol a faitg front a tuttas malauras e tempiastas politicas dil extern, e bein en bia combats ei quel, sco la storia a nus declara, vignius mess sin l' emprova, mo entochen sin nies otz staus si dretg sco pezzas e cuolms.

Mo las treis ligias, ch' existeven entochen avon pauc temps cun lur privilegis e tschentaments, han priu fin entras la nova constitutiun federala, pertgiei quella declara che nigin liug, nigin stand ella Svizzera deigi durinavont guder privilegis, mintgia burgeis hagi sia vusch activa e passiva el liug de siu domicili, e sin quella moda sapi in vischanadi politic de ligia bucca pli exister, senza vignir en conflict culla ligia federala. E sin quei ha il cussegl dil on vargau faitg fin allas historicas 3 ligias dil cantun; ed ei para, che quei renomnau ischi a Trun hagi ugiu perfin in presentiment della disfatgia de sia gloria, che siu best ei pli che miez putreficaus, ed en cuort vegn quella venerabla plonta esser puorla. Aschia l' entschata ed aschia la fin de nossa Ligia Grischa.

Culla Svizzera eren nus zwar reuni entras il pact de mediaziun dil kaiser Napoleon 1803 e sil suenter vegneva quel confirmau

e garantiu 1815 entras las pussonzas, mo era quei ligiom era allas circumstanzas dils davos ons memia fleivels, ed ei a voliu in pli ferm, in pli centralisau per imponer tonpli al inimitg intern ed extern de nossa libertat, la quala enamiez dell' Europa, enamiez dil fiug revolutionari vess bein maneivel, sco ina nav balida dallas wellas sin avierta mar, per adina saviu ira sut sura. Cun quella nova constitutiun vegn nus eunc garantida la souvranitat dil pievel, sco era quella dils cantuns, e sche ina simiglionta institutiun ei de grond avantaigs al pievel, pli bugien sadatar ad unfrendas pecunarias, che viver sut giuf monarchic.

Nies cantun ha sacrificau a proporziun pli che bucc' in, e per curclar las expensas e deivets dil cantun, han ils cumins ugiu de decider avon pign temps, schebein las vuschs virilas u la rauba deigi pagar las expensas, e cunter tut spitgiar ei quella per nossa paupra vallada aschi vantagiusa lescha vignida refusada. Aschia vein nus de spitgiar denovamein taglias suenter rapresentanza, la pli mal giesta de tut las ordinaziuns, e bucca ina tiara aprobescha quei sistem de contribuziun. Tgi posseda rauba, gauda era pli ils l' avantaigs dil cantun; tgi che ha rauba, survegn era pli l' agit e schierm de quel, per consequenza eis ei era giest, che la rauba contribueschi il pli vid las expensas cantonalas.

A vus, umens de Lumnezia, tucca ei de termetter umens de vossa confidanza sil cusseigl grond, sinaquei ch' era els gidien manar en spargns el car cantonal, chei vigni eunc inagada luvrau vid in niev projet de pagar suenter rauba per aschia impedir il schi stermentus e malgiest Rapresentanz-Schnitz.

Otz eis ei a mi in nief mussament de vossa confidanza, de vossa contentienschia cul miu anteriur uffeci ed administraziun, pertgei vus honoreis mei per la terza gada cun quella en nies temps schi importanta carica de president dil cumin. Bein aber ei ina tala electiun mo illusoria senza in experimentau, giest e n unpertischont oberkeit, las qualas conditiuns een ton pli necessarias, pertgei el consista durinavont mo ord 7 commembers. Dal seun giudezi de quella bialla rimnada possel jeu aver tutta speranza, ch' ina simiglionta electiun vegni suondar e far onur al entir cumin, sco era che quel prendi en vis-a-vi ad auters cumins il siu honorific plaz.

De mia vart engraziel jeu ferventamein per quella honur a mi favorida, ed engirel de vignir suenter a tuttas cun quella

carica impondidas obligatiuns, de tenir si dretg leschas e tschentamens, sustener autoritads cantonalas e comunalas, sco era schurmiamar in e scadin encunter tuttas malgiestas persecutiuns, e mi racomondel finalmein ad ulteriura protectiun dil inter cumin, dil qual jeu restel il pli bass survient.



6. Plaid tenu tier sia rendida de misterlia biennala ils 8 Matg 1853.

Ault reveri signurs dil ludeivel oberkeit! Bein stimai ed ault honorai convischins de Lumneza!

Sch' in pievel se sanfla ella positiun d'esser cuntents cun siu indrez politic, sche dat quel cun plascher ina eglia da sil passau temps, el qual il sem de sia organisaziun, de sia libertat sesvilupava, e cun engrazieivladat seregordel de quels umens, che sin l'entschatta han flanziau quei sem el terein della storia. Aschia seigi era a mi lubiu d'avon che prender Pietigott de vus, umens de Lumneza, dar ina eglia da sils evenements dell'entschatta de nossa libertat, per suenter saver trer conclusiuns, che han portau il present regime.

Dil temps ch'ei regieven schwachs retgs e kaisers sur la Germania, al qual imperi la Rhetia, nossa patria, era incorporada, vignieven nos antecessurs de grofs e cavaliers maltractai; ei existeva nagina giustia, che schurmias il sempel um dallas tiranias de quels prepotents. El enflava nagin derschader, nagin agit per sias lamentischuns. Quei era la perioda della forza dil pugn, pertgei el declavava tut quei per giest, il qual el aquistava, e l'executiun era la forza, era il pugn.

Suondont aber nos antecessurs igl exempel dils cantuns pigns Schwiz, Uri ed Unterwalden sil Grütli, han quels declarau: Era nus vein curascha, vein in ferm bratsch, e sche nus se reunin encunter la prepotenza de quels signurs, sche san quels e lur trabants nus buca pli ligiar en sclaveria. Aschia ha ugiu l'entschatta la Ligia de Glion 1395, ed empermettevan de defender in l'auter la vita, la rauba ed honor.

Quei ei stau il courier din pli ferm ligiom, quei v. g. della ligia dils 1424 a Trun, nua ils umens dil Rhein e dil Glogn, sut quei renomau e venerabel ischi cun tgiau niu uren tier Dieus, ed alzavan lur meuns tiel giurament de star adina buns amitgs e confederai, d' asister cun lur forzas l' in a l' auter encunter malgiustias e de star uni en pasch ed en ujava. E pli tard formen auters Grischuns la Ligia della Casa de Diu e quella dellas diesch Dertgiras.

Quels ligioms denter cumins e cumins, pievels e pievels han traitg neutier grondas persecuziuns de part dils prepotents; demaniera che quellas treis ligias, termettend de tut lur pezzas e vals umens valorus, han formau in ligiom persul sil hof de Vazerol 1471, per unitamein puder defender meglier la patria. Leu engiren signurs ed umens cumins, seculars e spirituals amizizia, pasch e dretg, de decretar ni pasch ni ujava senza il consentiment de tuttas treis ligias. Leu empermetten quels umens de en perpeten defender la aschia sigilada libertat. En tal maniera en ils Grischuns seformai in tgierp. ina famiglia entras il ligiom d' in engiarament; ei glei seconstituïu il cantun Grischun. E quei ligiom de Vazerol ha faitg front a tuttas malauras e tempiastas politicas digl extern, e sco la storia nus muossa, ei quel en bia combats vegnius mes silla scharfa emprova, mo entochen avon pauc staus si dreitg sco pezzas e cuolms.

Pli tard entras il pact de mediaziun dil grond kaiser Napoleon 1803 essen nus sereuni culla Svizzera e gl' on 1815 della paisch universal a ei quel era vegnius sanzionaus sil congres de Viena entras las pussonzas. Mo suenter ils evenements digl on 1848, nua che l' entira Europa era en moviment, voleva ei in pli ferm ligiom, in pli allas circostanzas adataus e centralislaus, per imponer a tuts inimitgs interns ed externs de nossa libertat, la quala enamiez della Europa, enamiez dil fiug rivoluzionari vess bein maneivel, sco ina nav battida dallas wellas sin aviarta mar, per adina saviu ira sut sura, sco ei era schon ordiu en diferents cabinets. Mo il tutpusent ha nus de tschentaners enneu defendiu ed era quella gada nus deliberau ord il pli grond prighel. Ei glei en semigliontas circostanzas nischiu la gia enconoschenta constitutiun federala, e schinavon sco quella sligia si tuts privilegis cun conceder la vusch politica a mintgia Svizzer el liug de siu domicili, sche saveva il vischinadi politic de ligia buca pli exister, senza vegnir en conflict culla ligia federala.

Aschia han las treis historicas ligias priu fin igl on 1850. Ed ei para, che quei renomau ischi a Trun hagi ugiu perfin in presentiment della disfatgia de sia gloria, che siu best ei pli che miez putrificaus ed en cuort vegn quella venerabla plonta esser puorla. Mo leu encunter flurescha ina nova plonta cun sias flurs e fretgs; quei ei la constituziun federala. Quella nus dat forza interna entras formar in tgierp en staigl vivon dividius en 22 parts; quella nus dat il vischinadi svizzer, il liber domicili cun tuts dretgs de votaziun en fitschentas politicas e juridicas; quella nus dat megliera sigireza en fitschentas de giustia, meglier uorden de posta, ed entras igl impuls de quella pudein era nus en nies Grischun haver speranza d'ina via de fier, la quala nus porta pli bien marcau il peun e dat era megliera e pli leva chischun de exportar nos products.

Mo la constituziun federala dat a nus era forza exteriura. Vivon tiel ligiom luc de 22 nufs vignieva la Svizzeria risguardada sco ina nulla ella politica dil univers, ed ussa fa ella front cun sia uniun e forza morala a tuts evenements, e se fa respectar sco pussonza de tut las naziuns entras siu energie passar si, nua ella vegnes afrontada, sco quei ha semussau avon pauc temps encunter la tiara tedesca e de present encunter las malgiustias d'ina outra pussonza. La confederaziun svizzeria ha cun sia politica mussau all' Europa entira, sco ella seigi en stand de tener uorden, d' ulivar ora scarpetschs e mantener sia posiziun ad ella accordada dalla provedientscha, dalla natira, dalla storia.

E cun tut quella centralisaziun essen nus libers, essen nus ils vers legislatures, e sco tals vein nus era sanctionau nizeivlas leschas sco sur dil uorden de collocaziun, de votaziun, de compartiziun de dretgs de burgeois cantonal e comunal etc. etc. Depli havein nus dau al mund entir la pli eclatanta enzena de nossas forzas intellectualas cun decretar la lubienscha tier la constructiun dellas via de fier e per quellas de comunicaziuns. Sur dil interess de quellas en favur de nossa patria queschel jeu; pertgei quei ei delucidau ed a vus sufficientamein enconoschent. En pliras gadas ei il project d'in uorden de pagar las expensas cantonalas suenter rauba fiersa dil pievel suvran, zwar la davosa gada cun ina fetg pintgia majoritat. La pli giesta de tuttas ordinaziuns: pertgei tgi che posseda rauba, gauda era pli gronds avantaigs dil cantun; tgi che ha rauba, survegn era pli agit e schierm de quel; per consequenza eis ei giest, che la rauba contribueschi il pli vid

las expensas cantonalas. Uon vegn il cussegl grond denovamein aver de deliberar sur din tal project. Per consequenza termettei tier quel umens de vossa confidanza, sinaquei ch' era quels gidien menar en spargns el car cantonal e che quels gidien luvrar in bien project de pagar suenter rauba, per aschia impedir il stermentus e malgiest Representanz-Schnitz. Procuri d' era legier ora in stateivel, experimentau e nunpertischont oberkeit; pertgei quel sa vegnir el cass de stuer truar sur de rauba, honor e vita d' il tierz.

Ricevei ussa mes pli ferments engraziaments per l' aulta favur e benevolientscha a mi avon dus ons compartgida, e perdunei, sche jeu vessel en miu uffeci magistratual muncentau, atribui quei plitost a mias fleivlas forzas, a nunsavida, mo mai a maligniadat e persecuziuns.

E vus, umens de Lumneza, sespruei de vegnir suenter a reglas e tschentaments, de respectar ed obedir ad in de vus sez numnau dicasteri; pertgei la forza morala din pievel schai principalmein ell' obedienscha de ses superiors, schai el ferm setener vid la lescha, ch' ins ha sez santionau. Sin tala maniera vein nus buca de basegns ni de canuns ni de bajonettas per tener si dreitg nies uorden, sco quei daventa en outras tiarras.

Jeu recomondel memez milsanavon a la benevolientscha e protectiun de quest entir e ludeivel cumin, els meuns dil qual jeu remettel la misterlia, ed al qual jeu hai l' honor de porscher ils mees pli profonds respects.

